

Kiŋwakti ki ninshij ki Bita Gia yə yi kə i Kiŋwakti ki Bita ki ninshij kələ mə

Kiŋwakti ki Bita ki ninshij kələ kə num wi nŋ nyaka i bəni bə Klistus bə bə nŋ waŋ tsə ka nəki i kidi wə chi chi (1:1). Gia yiləkəli yə yi nŋ fə ka wi nyaka kiŋwakti kələ a nŋ kə i dəsi shóm yi bəni bələ si bəni nŋ bwanŋki gvu i bə cheiŋ, bə yeiŋ bəŋgəkə kəm shəm yə bə jiə i Klistus wə. I dəsi yi yakadəiŋ, Bita ka yinŋi bə kəm ntum wi ndzəŋni kəm Jisəs Klistus wə kpi yi bəh ndza wi kpi bəh kiŋkaka kə a ŋgaiŋ bi fiəni dzə lə, a num gia yə bə tsəiŋki tsəki ninshij bə jŋə mfi i yeiŋ wə.

Kifwu ki gia i Kiŋwakti kələ mə

1:1-2 Kin'yisi

1:3-12 I kwaka si Nyə bwiliki bəni

1:13-2:10 Ntəfi kəm i nəki nəni ki baiŋni

2:11-4:19 Si mi wi Klistus kə i dzəki bəŋgəkə bə wi yeiŋki

5:1-11 Si mi wi Klistus kə i shəsi gvu yi bəh i nəmki tə i bəni

5:12-14 Kiŋgəksi

¹ Kiŋwakti kələ nyaka mih Bita waiŋ ntum wi Jisəs Klistus. Mih nyaka i bəni bə Nyə bə wi sabibwili a akə mbu num bə waŋ tsə bə num bəni bə dzəni i bimbu bi Bəntus bəh Galəshia bəh Kafadəsia bəh Əsia bəh ki Bitinia wə.

² Nyɔ Tii wibukumbɛiŋ nĩ sabibwili mɛiŋ asi wi nĩ kiaki yi keiŋ i bi dzə num. Kiŋ'waka ki ka keiŋsi jiə mɛiŋ chi chi ka mɛiŋ bi wəkɔ i Jisəs Klistus, a bə mikə mɛiŋ bəh mwa mu. Ma Nyɔ chúsi mɛiŋ shəm yi yindzəŋni nalə, wi nyá mɛiŋ bəh shəm yi dəli nalə.

Bukumbɛiŋ nđki bə tséiŋ a ninshin

³ Kiŋkəksi nŭm i Nyɔ wə wi kə Nyɔ chu num Ba wi Bah wibukumbɛiŋ Jisəs Klistus. Wi bwə bukumbɛiŋ i mbwə wimfiŋ wə asi Jisəs Klistus nĩ dza i kpi wə num a fə ŋkwasi wi winsheiŋ wimbun i bukumbɛiŋ. Gia yələ fə a bukumbɛiŋ numki i liə bə tseiŋ tsə a ninshin,

⁴ tseiŋ i dzi biéiŋ num biə wi jiə i mɛiŋ i tumi ki beŋ wə. Biéiŋ biələ kə bi kəbi i fə, nabə i bəkə, nabə i jwiŋ.

⁵ I tsə dzəh i shəm yə mɛiŋ jiə i Nyɔ wə, wi chəniki mɛiŋ bəh ŋga bi i tsə buku i mbəiŋ wə wi keiŋsi jiə a wi bi yəŋəki i kiŋgəksi wə.

⁶ Si mɛiŋ kiaki yakadəiŋ, mɛiŋ wəkəki ndzəŋni. Ayakalə, mɛiŋ kaŋa i ni wəkə ləli i jəbi wi twəsi wə kəm bə bəməmsi bə dzəki i mɛiŋ i dzəh dzəh wə.

⁷ Bə dzəki i məmsi a shəm yə mɛiŋ jiə i Nyɔ a, akə yi ŋkəŋ. Namana yaka chwaka ki kpə ki bəkəli si num num bə məm bəh gbuku, ayaka chwaka kiwə num fiŋ fi num i bi bəkə. Si yi kə yakadəiŋ, yaka kə a bə kələ i məm tə shəm yə mɛiŋ jiə i Nyɔ, kəm yi kə fiŋ fi tsə chwaka ki kpə ki bəkəli. Ayakadəiŋ, jəbi wə Jisəs Klistus bi buku dzə, bə bi kəkəsi mɛiŋ, tumyi bikum bimɛiŋ, yaksi mɛiŋ.

⁸ Mɛiŋ kəŋki Jisəs Klistus maka mɛiŋ num yeiŋ i wi wə, num mɛiŋ bum i wi, na yaka si mɛiŋ

yeyiŋki kə i wi wə i liə. Mbeiy bə wəkə ndzəŋni nalə a num biə mi kəkə i dzaka,

⁹ kəm mbeiy kiəki a, si mbeiy jiə shəm i wi wə, gia yə yi dzəki i yeyiŋ cheiy kə mbəiy wi biŋ'waka bimbeiy.

¹⁰ Bəni bə ntum bə Nyə bə bə nŋ dzakaki kəm kinduksi ki Nyə kə wi nŋ kə i duksi mbeiy yeyiŋ, bə nŋ keiyŋsi nəŋ, məmsi i kiə kəm mbəiy wələ.

¹¹ Kiŋ'waka ki Klistus nŋ kə i bə wə si bə nŋ dzakaki a Klistus bi yeyiŋ lə ŋgəkə ayaka i yəmaka jum, wi bi ka kwati kiŋkəkni. Ayaka bə ka nəŋki i kiə jəbi wə gia yiwə bi numki, bəh dzəh yə yi bi tsəki ka yi numki.

¹² Nyə ka fə bə kiə a gia yələ bə nŋ dzakaki a bə nŋ dzakaki kə num i gwu yibə wə, yi nŋ kə, num i mbeiy. Akə yi mbeiy nŋ wəkə i dzaka ki bəni bə bə nŋ fukuki ntum wi ndzəŋni kəm Klistus i mbeiy i ŋga bi Kiŋ'waka ki Baiŋni kə Nyə nŋ chiŋsi ki dzə i beiy. Yələ kə gia na bəchinda bə Nyə də i kiə yi.

Bəni bə Nyə bəiyki i nəni kibə wə

¹³ Si yi kə yakadəiy, mbeiy lūmsi mfi bimbeiy, mbeiy kəiyŋsi gwu yimbeiy. Mbeiy təkni bəh gwu yimbeiy, mbeiy tsəiyŋki ndzəŋki tsəki a ninshiy i kinduksi ki Nyə kə ki bi dzə i mbeiy jəbi wə Jisəs Klistus bi fiəni chusiki gwu yi.

¹⁴ Mbeiy wəkək i Nyə ka bwa bu. Kiə mbeiy ma chu fəki gia bələ si nyam yimbeiy yi gwu nəŋki asi mbeiy nŋ fəki jəbi wə mbeiy nŋ keiyŋki i jisi wə.

¹⁵ Asi wi wə wi nŋ bəiy mbeiy wi kə wi baiŋni, mbeiy tə bəiyki i kimfə kimbeiy kichi wə,

¹⁶ asi bə nyaka a,

“Mbeiy bəiyki kəm mih baiŋki lə.”

17 Si mbeinj bəŋki Nyɔ a Ba wimbəinj, akə wə wi sakaki mi wichi i kimfə ki wə chusi kə chi chi, mbeinj kaŋa i nŋki nŋni kimbeinj lwā Nyɔ i jəbi wichi wə mbeinj kə i mbi wələ wə ka bəni bədzəni.

18 Ntə mbeinj kiəki lə a Nyɔ nŋ təinj lə mbeinj i nŋni kiyəə kə bətii bəmbəinj nŋ kuku yaka mbeinj yeinj, wi nŋ ka təinj dəkə num bəh fiəŋ ka kpə wi num i bəkə.

19 Wi nŋ təinj num bəh mwa mi Klistus mə kəbi fiəŋ fi kilələ, mə mə kə ka mi wainj jaka wi mfə gia wə wi kaŋaki kə chu bidəkə nabə gia yi kiŋgbə yidəkə.

20 Nyɔ nŋ sainjwili wi na ka mbi yisi, ka chusi wi i chəkə bi gəksini biələ wə kəm mbeinj.

21 A fə Klistus na ka mbeinj bum i Nyɔ wə wi nŋ dzasi wi i kpi wə nya wi bəh mbum. Si wi nŋ fə yakadəinj, shəm yimbəinj bəh kiŋkwaka kimbeinj ka numki num mbeinj jiə i Nyɔ.

22 Si mbeinj kə mbeinj wəkə lə ŋkəŋ, bi fə biŋ'waka bimbeinj baiŋ ka mbeinj kaŋaki kiŋkəŋ i bwa bə nih bəmbəinj a num kiŋkəŋ ki ŋkəŋ, mbeinj kəŋniki a yakadəinj bəh shəm yimbəinj yichi.

23 Mbeinj kiəki a bə fiəni bwə mbeinj i mbwə wimfiəŋ wə. Wi wələ wi bwə mbeinj lə a kəkə wə wi kə i kpi. Ayaka a num Nyɔ mwi wə wi bi kpi kə. Wi bwə mbeinj num a bəh ja yə yi nyaki nŋni. Ja yələ bi baəŋ a numki feinj.

24 Yi kə asi bə nyaka i Kiŋwakti ki Nyɔ wə a,
 “Mi wiwəm wichi kə aka mfwanj,
 ndzəŋni bi kə aka bəfluwa bə chwa.

Mfwanj si kpiyi lə, bəfluwa bə chwa tə səkyi,

25 ayakalə ja yi Bah bi num a feinj jəbi wichi.”

Ja yələ num ntum wi ndzəŋni kəm Klistus wə bə nǝ fukuki i mbeinj.

2

Kəm Təh wə wi kaŋaki nəni bəh tumi ki baiŋni

¹ Yi kə a, mbeinj bēe shəm yichu yichi, bəh mfwəkyi wichi bəh i dzakaki bəndzaka bəfa, bəh kiŋghəkə bəh i dzakaki bəndzaka bəchu bəchi kəm bəni.

² Mbeinj kəŋaki kiŋkəŋ nalə i mahki mbeinj wi baiŋni wi kiŋ'waka a wi wi, a liŋ asi bwa bə bəhli si kaŋa kiŋkəŋ i mbeinj wə, ka wi fəki mbeinj kəəki tsəki a ninshinj i bi dzə kwati mbəinj wimbəinj.

³ Mbeinj fəki yakadəinj si mbeinj məm wəkə lə ka yeinj a Bah ndzəŋki lə.

⁴ Mbeinj dzəki i Klistus wə wi kə Təh wə wi kaŋaki nəni, a num wə bəni nǝ nəinjma a wi ndzəŋki kə, ayakalə Nyə saiŋbwili n'yi a, akə shəm yi ŋgaiŋ.

⁵ Mbeinj tə kə aka kitəh kə ki kaŋaki nəni kə Nyə maaki juŋ yi kiŋ'waka yeinj a mbeinj ni nūmki mbaŋ wi bətii mfə gia bu bə baiŋni, i fəki bimfə gia biə wi kəŋki i kiŋ'waka wə tsə dzəh i Jisəs Klistus wə.

⁶ Yi kə i Kiŋwakti ki Nyə wə a,
“Mbeinj tsəinj, mih jiəki təh i kwili wi Sayəŋ wə,*
a num təh wi bu wi juŋ.

A num təh wə mih saiŋbwili, a num shəm yinj nalə.
Təh wələ kə wə, mi ka jiə mfi bi i wi wə wi bi ma də gwu.”

⁷ I mbeinj bə mbeinj bum i wi, təh wiwə kə shəm yimbəinj. Ayakalə, i bəni bə bə ka jiə dəkə shəm i wi, wi kə i bə asi bə nyaka i Kiŋwakti ki Nyə mə a,

* **2:6** Sayəŋ kə yeŋi wi Jelusalem widəkə.

“Təh wə bəni bə maani nĩ nəiŋ,
 wi dza ka fiəni num,
 təh wə bə maa bu wi juŋ yeiŋ.”

⁸ Ayaka yi chu num bə nyaka a,

“Təh wələ ni fəki bəni bənliki i wi wə.

A num biana wə wi ni fəki bəni gbəyi.”

Bə bənliki i yeiŋ wə kəm bə nəiŋ i bum gia yi Nyɔ,
 num asi Nyɔ nĩ sisi jiə a yi kaŋaki i bi numki.

⁹ Ayakalə, mbeiŋ kə fimbeiŋ ŋgəkə wə a sabibwili
 Nyɔ mbeiŋ. Mbeiŋ num mbaŋ wi bətii mfə gia bə
 bə nəmki i ŋkuŋ. Mbeiŋ num tumi ki baiŋni, mbeiŋ
 num bəni bə Nyɔ fə a bə numki mbu mwi i fukuki
 gia yindzəŋni yə wi fəki. Akə wi wə wi bəəŋ mbeiŋ
 mbeiŋ buku i jisi mə, ka liə i baiŋni bi bimbum wə.

¹⁰ A nĩ kə i kikpu wə mbeiŋ nĩ kəkə bəni, ayakalə i
 liə mbeiŋ si num lə bəni bə Nyɔ. I ninshiŋ mbeiŋ nĩ
 ka dzə dəkə nshiŋ yi Nyɔ, ayakalə i liə mbeiŋ dzə lə
 nshiŋ yi.

*Bəni bə Nyɔ chūsiki nəni kindzəŋni i bəni bəchi
 kintəŋ*

¹¹ Nsəiŋ yiŋ yi shəm, si mbeiŋ kə bəni bə dzəni
 i mbi wələ wə num mbeiŋ kwumi num kwumini
 i mbi wələ, mih bə kwuŋ kaŋ kwuŋni i mbeiŋ a
 mbeiŋ ma fəki gia yichu yə nyam yimbeiŋ yi gwu
 kəŋki, kəm gia yələ jwəki bəh biŋ¹waka bimbeiŋ.

¹² Mbeiŋ chūsiki nəni kindzəŋni i kintəŋ ki bəni
 bə bə kiəki kə Nyɔ ka jəbi wə bə jiəki gia i mbeiŋ fuŋ
 a mbeiŋ kə bəni bəchu, bə ni yeiŋki nəni kimbeiŋ
 kindzəŋni, ka a bi numki chəkə biə Nyɔ bi dzə, bə bi
 tumyiki bikum bi.

13 Mbeinj nyâ gwú yimbeinj kôm bə Bah i mi wichi wə wi sakaki bəni. Mbeinj nyâ gwú yimbeinj kəŋ a numki i ŋkuŋ wi Lum wimbun,

14 nabə i bəni bə wi jiə a bə sakaki bimbu bi mbi, bə jiə bəni bə bə fəki gia yichu i ŋgəkə wə kəksi bə bə fəki gia yindzəŋni.

15 Nyə nəŋki a mbeinj fəki gia yindzəŋni, ayaka baŋ dzaka ki bəni bə kiyun bə bə dzakaki gia kiə kə gia yə bə dzakaki.

16 Mbeinj nŋki ka bəni bə gia yidəkə kaŋaki kə bə, ayakalə kiə mbeinj ki dzə kə yi i kəŋ i shi cheinj i fəki chu. Mbeinj nŋki num ka mfá yi Nyə.

17 Mbeinj kəksiki bəni bəchi, kəŋ bwa bə nih bəmbəinj bə bumni bəchi, lwā Nyə, kəksi ŋkuŋ wimbun wi Lum.

Bəni bə Nyə dzə kinchəsi i ŋgəkə wi Klistus wə

18 Mfá, mbeinj nyâki gwú yimbeinj i bəni bə mbeinj kə i bə cheinj, kəksi bə na bindzəŋ. Mbeinj ma nyâki a bə bə kaŋaki nəni kindzəŋni bə təkni i mbeinj. Mbeinj nyâki tə i bə bə chəfiki.

19 Mih dzakaki lə kôm Nyə si wəkə lə ndzəŋni i mi wə bə chəbsiki wi wi wəkə ləli maka wi gbə i gia yidəkə wə, ayakalə kaŋa a shəm kôm wi jiə mfi bi i Nyə.

20 Bə ka tweinjki mbeinj num mbeinj gbə i gia wə, mbeinj kaŋa shəm, mbee wiwə kə na nə? Ayakalə, mbeinj ka yeinjki ŋgəkə num i gia yindzəŋni yə mbeinj fə, mbeinj kaŋa a shəm, Nyə ni wəkəki ndzəŋni bəh mbeinj.

21 Akə di bimbeinj i yeinjki ŋgəkə yakadəinj, kôm Klistus tə nŋ yeinj ŋgəkə kôm mbeinj, chusi kinchəsi i mbeinj a mbeinj dzə gvu yi.

²² Wi ní ka num fá dákə chu nalə, já yifa ní ka num buku dákə i dzaka ki wə.

²³ Jəbi wə bə ní təyiki wi, wi ní ka chukuli dákə bəh ntəyi. Jəbi wə bə ní njənsiki wi, wi ní ka fasi dákə i nya ngəkə i bə, ayakalə wi nya gia yichi i Nyə kan wə wi kiəki i saka ndzəŋ bənsaka.

²⁴ Wi mwi ní giŋ chu bibukumbein i gwu yi wə i kintasi wə. Wi ní fá yakadəin, ka bukumbein kpi i gaali bəh chu, i nōki nəni ki chəŋ. Biəkə yə wi ní kanaki yi fá mbein bənih.

²⁵ Mbein ní kə aka shwán njəŋ nnya, ayakalə i liə mbein fiəni lə ka dzə i Nchəni, wi chu num Ntəkni wi biŋ'waka bimbein.

3

Si bəkanə bəh bənyuku bəbə kə i nōki

¹ Mbein bəkanə bə bəni, mbein tə nyāki gwú yimbein i bənyuku bəmbəin. Mbein kabə fəki yakadəin, ma mi wimu i bə kintəŋ wə wi nəinŋi i bum gia yi Nyə, ni dza bum maka mi chu dzaka gia i wi, num a fá nəni ki kpə wi,

² si bənyuku bəmbəin yeinŋi si mbein nəki nəni ki baiŋni, chusi kiŋkəksi.

³ Gia yə yi chusiki ndzəŋni bimbein ma nūmki biein bi ləni i gwu wə, ka i keinŋi junyifwu a yi ndzəŋki, bəh i ləkəki misin, bəh i kanə gwu bəh bəmbun bəh ndzəŋni.

⁴ Gia yə yi ni chūsiki ndzəŋni bi mi ni numki fiəŋ fiə mi wiwə kə fi i shəm yi mə. Nkaiŋni ndzəŋni biələ si jwiŋ kə, a num bi shəm yə yi bəniŋi num lə nyiki. Biələ kə biə Nyə yeinŋi akə bi shəm yi.

⁵ Akó læ si bəkaŋa bə baiŋni bə i kikpu wə nī jiə mfi bibə i Nyɔ wə ní shiki chusiki ndzəŋni bibə. Bə nī nya tə gwú yibə i bənyuku bəbə.

⁶ Miŋkpaŋa ka Sela nī wəkəki læ i Ablaham bəəŋ wi a bah wi ŋgaiŋ. Mbein tə kə i liə bwa bə Sela jəbi wə mbein fəki gia yi chəŋ chu lwa kə gia yidəkə.

⁷ Bənyuku, mbein tə kīə dzəh yə mbein kaŋaki i nōki bəh bəkaŋa bəmbəin. Mbein nyāki kiŋkəksi i bə si bə kaŋaki kə ŋga ka mbein, ayaka si Nyɔ kə wi duksi mbein bə bəchi bəh nəni kə ki bi tsə kaa kə. Mbein nōki yakadəin, ka fiəŋ fidəkə ma kəŋki ntsa wimbəin.

I yeinŋi ŋgəkə kəm gia yindzəŋni tsə i yichu wə

⁸ I gəksiki, mih təfiki mbein bəchi a, mbein kəŋaki shəm yimu, kəŋa nshein yi kwasini, kəŋa kiŋkəŋ ki bəni bə bumni, kəŋa shəm yi bəninini, shīsi gwu yimbəin i kuku.

⁹ Mi ka fə chu i mi kiə wi ki chūkuli kə bəh chu. Mi ka təyi mi, kiə wi ki chūkuli kə bəh ntəyi, wi ləə num kimbəinŋi i wi wə. Yələ kə gia yə Nyɔ bəəŋ mbein kəm yi a mbein fəki ka wi bi ləə kimbəinŋi i mbein wə.

¹⁰ Akó yaka si bə nyaka a,
 “Mi ka kəŋki i wəkəki ndzəŋni i nəni ki wə,
 bəh i yeinŋ kaŋ yindzəŋni,
 wi təkniŋi bəh ləm wi kəm chu,
 ayaka ma já yifa ma búkuki i dzaka ki wə.

¹¹ Wi kaŋaki i nyəkə jum yi i gia yichu wə,
 fə num yindzəŋni, yəkə i kimbəinŋni chein bīəli ki,

¹² kəm Bah si yeinŋ læ bəni bə chəŋ,
 wi wəkə ntsa wibə.

Ayakalə, wi nya kə shi i bəni bə bə fəki chu.”

13 Mbeinj kabə kaŋa kiŋkəŋ kimbum i fəki gia yindzəŋni ka yəməka, na mi wə wi kə i fə mbeinj bəh gia yichu kə na ndə a?

14 Ayakalə, bəni kabə nya ŋgəkə i mbeinj kəm mbeinj fəki gia yi chəŋ, ma Nyə ni bəiŋsi mbeinj. Kiə mbeinj ma lwāki bə, nabə a shóm nyúmyiki mbeinj.

15 Mbeinj kəksiki Klistus i shóm yimbəinj wə ka Bah wimbəinj. Mbeinj keiŋsi gwu yimbəinj, jəbi wichi i wəkəliki i chukuli mi wə wi ni bikə gia yə mbeinj tseinjki tsəki i ninshiŋ kəm yi. Ayakalə, jəbi wə mbeinj chukuliki, mbeinj chúkuliki i kimbəiŋni wə bəh kiŋkəksi.

16 Mbeinj ma fəki gia yə yi kə i sakaki mbeinj i shóm mə, ka jəbi wə bə təyiki mbeinj, dzaka já yichu kəm nəni kimbeinj kindzəŋni kəm mbeinj kə bəni bə Klistus, bə ni gəmniki.

17 Mbeinj kíə a yi ndzəŋki lə i yeiŋ ŋgəkə kəm gia yindzəŋni yə mbeinj fə yi, a kabə num a Nyə kəŋki lə a yi nūmki yakadəiŋ, tsə i yeiŋki ŋgəkə kəm gia yichu yə mbeinj fə.

18 Yi kə asi Klistus ni yeiŋ ŋgəkə ka kpi. Wi ni kpi kəm chu bi bəni kpamu yi kaa yakadəiŋ. Wi wə wi ni kə mi wi chəŋ ni kpi i bəni bə bə kəkə bə chəŋ i dzə bəh bukumbəinj i Nyə wə. Bə ni wəə wi, wi kpi num i nyam yi gwu wə, ayakalə Nyə fə a wi numki wiwəm i kiŋ'waka wə.

19 Akə i kiŋ'waka kələ wə wi ni tsə fuku gia yi Nyə i biŋ'waka biə bi ni kə i juŋ yi nsəŋ mə.

20 Biŋ'waka biələ kə biə bi ni nəiŋ i bum i Nyə i jəbi wi Nəa wə. Nyə ni kaŋa shəm bəh bi, wəkəli jəbi wə Nəa ni keiŋsi kaasi ŋgwuki. Ngwuki wələ kə wə bəni ni liə yeiŋ a bəni nyan shəŋ, a num bə bə bəkə ni fə

bə bəiŋ.

²¹ Bəkə yələ kə ka bəkə yə bə juliki mbein yeiŋ i liə yi bwili mbein. Bə juliki kə mi i bəkə yələ mə a bə wəkəkə num chii i gwu yi wə. Akə i fə kiŋkaka i Nyə bəh kiŋkwaka kibaiŋni. Njuli wi bəkə wələ bwiliki mbein bəh ŋga bi Jisəs Klistus biə wi nŋ buku yeiŋ i kpi wə.

²² Jisəs Klistus wələ yaka lə i bein ka shinum i tseiŋ yiləkəli yi Nyə wə, wi num feiŋ bəchinda bə Nyə bəh biŋ'waka biə bi kaŋaki ŋga bəh biŋ'waka bichi biə bi sakaki num i wi chein.

4

Nəni ki bəni bə Nyə kə kimfiŋ

¹ Si Klistus nŋ yeiŋ ŋgəkə i nyam yi gwu wə, mbein tə kaŋaki i kəŋaki ŋkaiŋni wi shəm yə wi nŋ kaŋaki i yeiŋ tə ŋgəkə, kŋə a mi wə wi kə wi yeiŋ lə ŋgəkə i nyam yi gwu wə kə wi gaali lə bəh chu,

² ka wi ma chu nŋki nəni ki fa mbi wələ wə biəli gia yichu yə nyam yi gwu nəŋki. Wi nŋki biəli num gia yə Nyə nəŋki.

³ Mbein kiəkə a jəbi wə mbein nŋ keiŋki mbein fə gia yi bəni bə bə kiəkə kə Nyə si shi fə yi kpeiŋ. Mbein nŋ nəki nəni ki kinyeŋ ki təkəlini, biəli nyam yimbein yi gwu yi shilini, mu mbih mə kwa mbein, fə bini, dzi i kiyuŋ wə, mu fii feiŋ fə ka bíə. Ayaka mbein chu tsa, kəkəsi bənyə bə kilələ a num gia yi gumini.

⁴ I liə dzaka wəmkə bəni bə bə kiəkə kə Nyə si mbein chu chiniki kə i mbaŋ wibə wi nəni kə ki kə ka ki nyám, bə ka fiəni gwu təyi mbein.

⁵ Ayakalə, bə num i bi num i nəmyi dzaka i Nyɔ nshin wə wi kə wi kein̄si gwu i sakaki bəŋkwu bəh bəwəm.

⁶ Akə gia yə yi n̄i fə ka bə fuku tə ntum wi ndzəŋni i bəni bə bə kə bə kpiyi. Bə n̄i fuku yakadəin̄ asi yi kə num bə saka lə bə i nyam yi gwu wə ka bəni bəwəm, bə ni n̄əki nəni i kin̄'waka wə ayaka ki num asi Nyɔ n̄əki.

Mi n̄əmkɪ bəh kinya ki i dzəh yindzəŋni wə

⁷ Jəbi wə gia yichi bi kaaki si num kəmsi dzə lə. Ayakadəin̄, mbein̄ n̄umki bəh mfi bimbein̄ fəin̄, t̄əkn̄i bəh gwú yimbein̄, ka mbein̄ kə i ts̄əki.

⁸ Gia yə yi ts̄əki gia yichi kə a mi k̄əŋki waiŋnih wi bəh shəm yi yichi, kəm kin̄kəŋ si baŋ lə chu biduli.

⁹ Waiŋnih mi ka laa njikə i wi, wi dz̄ə wi, wi t̄əkn̄i i wi shwiŋyiki kə.

¹⁰ Si mbein̄ kə num Nyɔ duksi mbein̄ bəh binya chi chi, mi dz̄əki kinya ki n̄əm i bəni bədəkə. Mbein̄ n̄əmkɪ bəh kinya kələ Nyɔ nya i mbein̄ i dz̄əh dz̄əh wə ka bəni bə ndzəŋni bə Nyɔ nya nəm wi i bə kaŋ.

¹¹ Mi kabə dzaka gia yi Nyɔ, wi ka dz̄əkaki a gia yə yi bukuki i dzaka ki Nyɔ wə mwi. Mi ka nəmki i bəni bədəkə, wi ka n̄əmkɪ a bəh ŋga biə Nyɔ nya i wi. Mbein̄ f̄əki yakadəin̄ i gia yichi yələ mbein̄ f̄əki lə, ka kin̄kəkəsi ts̄əki i Nyɔ tsə dzəh i Jis̄əs Klistus wə. Mbum bəh ŋga bichi kə a kaŋa wi jəbi wichi na tsə kaa kə. Yi n̄um ayaka.

I yein̄ki ŋgəkə ka bəni bə Klistus

¹² Ns̄əin̄ yin̄ yi shəm, kiə mbein̄ ma n̄umki bəh ŋkaiŋyi i nshili wə mbein̄ wəkəki i gwu wə, wə wi dz̄əki i mbein̄ i məmsi mbein̄. Kiə yi ma n̄umki ka akə gia yidəkə yimfiŋ yə yi numki bəh mbein̄.

13 Mbeinj lánki num lanjní lə a mbeinj yeinjki lə ngəkə si Klistus nǐ yeinj ka jəbi wə wi bi tumbuku bəh mbum bi, mbeinj bi chu lanjki, wəkə ndzənjni.

14 Bəni kabə təyiki mbeinj kəm yeli wi Klistus, yaka ndzənjni bimbum kə bimbbeinj. Yələ chusiki a Kin'waka ki kinjəkəsi kə ki kə ki Nyə kə i mbeinj wə.

15 Mi ka yeinjki ngəkə, wi ma yēinjki kəm wi kə wi wəə mi, nabə a wi kə wi chwə fiənj nabə a wi fə gia yichu yidəkə, nabə a wi kə wi ləkə dzaka i gia yi bəni bədəkə wə.

16 Ayakalə, mi kabə yeinjki ngəkə kəm wi kə mi wi Klistus, wi ma ngəmniki. Ayaka wi ka kəksiki Nyə a wi kanjaki lə wəməka yeli.

17 Mbeinj fəki yakadəinj kəm jəbi dzə lə ka Nyə saka bəni, ayaka wi ni yisi num bəh junj yi. Wi ka yisi bəh bukumbbeinj yakadəinj, yi kə i num dəinj bəh bəni bə bə nəinjma i bum ntum wi ndzənjni wi Nyə a?

18 Bə nyaka i Kinjwakti ki Nyə mə a,
 “Yi kabə ləkə i bəni bə chənj i bəinj,
 ma yi bi numki dəinj bəh bəni bə bə nəinj Nyə ka fəki
 a chu a?”

19 Ayakadəinj, bəni bə bə yeinjki ngəkə si Nyə nənjki a bə yeinjki, bə fəki gia num yi chənj, jiə gwu yibə i kanj yi Nyə Kimaa mbi wə wi kə a kinjəkə ki beinj.

5

Kəm shwánj yi Nyə

1 Mih kabə nənj i təfi bətii kijunjni ki bəni bə bumni i mbeinj kintəənj. Mih ka mi i mbanj wi bətii kijunjni wə, mih nǐ yeinj bəh dzəkəh yinj si Klistus nǐ yeinjki ngəkə, ayaka mih num tə mi wə mih bi kwati i kinjəkəni kə wi bi dzə bəh ki.

² Mih táfiki a, mbein tókniki ndzónki bəh shwán yi Nyó yə wi jiə i mbein kaŋ. Jəbi wə mbein bə təkni bəh yi, mbein ma tókniki ka bə chiniki mbein chinini. Mbein tókniki bəh kiŋkəŋ asi Nyó nəŋki. Mbein ma tókniki kaŋa kiŋkəŋ i mbee wi ŋgəmnini wə. Mbein káŋaki kiŋkəŋ num i nəm wiwə wə.

³ Kiə mbein ma yaka num i shwán yi Nyó yə bein wi jiə i mbein kaŋ. Mbein chūsiki num nəni kindzəŋni kə yi ni yeinŋi yi sini.

⁴ Mbein kabə fə yakadəin, jəbi wə Tikwili wi Bəntəkni Shwán bi tumbuku, mbein ka bi kwati kifə ki kəkniini kə ki bi jwiŋ kə.

⁵ Mih dzakaki tə i sumi a, mbein nyáki gwú yimbein i bətii kijunŋi ki bəni bə bumni bindzəŋ. Ma mbein bəchi shísiki gwú yimbein i mi bəh mi nshin. Mbein kíəki a, “Nyó si n'yəkə lə jum i mi wə wi ghaŋsiki gwu, ayakalə wi chusiki num shəm yindzəŋni i mi wə wi shisi gwu yi.”

⁶ Mbein shísi gwú yimbein ayaka num i ŋga bi Nyó chein, jəbi wə jəbi bi kpein, wi bi ka kəksi mbein.

⁷ Mbein jíə gia yichi yə yi fumsiki mbein i kaŋ yi wə, kəm wi kaŋaki lə kiŋkəŋ i mbein wə.

⁸ Mbein tókniki bəh gwú yimbein, mbein tséin ndzəŋ kəm mbainŋni wimbein wə ŋkpeli wəeliki nyaniki aka jum yə yi jumki, nəŋ mi i bwiŋyi dzi.

⁹ Mbein bwan ŋga bəh wi, mbein jíə a shəm i Nyó yi ləkə, yíŋti a bwa bə nih bəmbəin yeinŋi lə tə ŋkainŋi bəmakə bəŋgəkə yakadəin i mbi wichi wə.

¹⁰ Ŋgəkə wələ kə a i jəbi wi juli wə, ayaka Nyó num i bi fiəni mbein a mbein fiəni num asi mbein ni kə, wi bi nya mbein bəh ŋga, fə gaan yimbein liəni

ndzəŋ. Nyə kə wə wi nyaki kinduksi kichi i bəni. Wi bəəŋ mbeinj i liə i kinəkəksi ki wə kə ki kə jəbi wichi, kəm mbeinj kə bəni bə Klistus.

¹¹ Ma ŋga bichi baəŋ a numki mbii jəbi wichi kinəkəksi kəbi. Yi nŋm ayaka.

Bimbəni

¹² Mih nyaka kinwakti kijuli kələ i mbeinj num a gamti Silas* mih, wə wi kə waiŋnih wibukumbəinj. Si mih yeinj a wi kə mi wə mi kə i jiə mfi i wi wə. Mih nyaka i shili shóm yimbəinj, i chu fə a mbeinj kiə gia yichi yə mih nyaka yi chusi kinəkəŋ kəm ŋgamti wi Nyə. Mbeinj nŋm ndzəŋ i yi beinj nalə.

¹³ Kijunŋni ki bwa bə nih bəbukumbəinj ki Babilən kə Nyə kə wi sabibwili tə chinŋsi dzəki kimbəni i mbeinj. Maak wə wi kə waiŋ wunŋ i mbum wə bəniki tə i mbeinj.

¹⁴ Mbeinj bəni i gwu yimbəinj, mbeinj yāŋyiki i kinəkəŋ wə. Kimbəinjni nŋm i mbeinj bəchi bə mbeinj kə mbeinj chinŋni i Klistus wə.

* **5:12** Yeli wələ kə tə a “Sifanus.”

**Kinwakti ki Nyɔ Minƙaiŋ Mifian
Chungmboko: Kinwakti ki Nyɔ Minƙaiŋ Mifian (New
Testament+) for Cameroon**

copyright © 2021 Wycliffe Bible Translators, Inc.

Language: Chung (Cung)

Contributor: Wycliffe Bible Translators, Inc.

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-01

PDF generated using Haiola and XeLaTeX on 22 Dec 2025 from source files dated 1 May 2025

ff8b447d-0e78-5782-840d-48c27035a093